

Na osnovu člana 61. stav 1. Statuta "Elektroprenos – Elektroprijenos BiH" a.d. Banja Luka, ("Službeni glasnik BiH" broj: 86/05, 103/06, 60/14, 24/15, 76/15 i 55/17) i Odluke Upravnog odbora "Elektroprenos – Elektroprijenos BiH" a.d. Banja Luka, broj: UO-12-13/2024 od 23.02.2024. godine, raspisuje se

JAVNI KONKURS

za izbor i imenovanje članova Odbora za reviziju – tri člana na mandatni period od 3 godine

Skupština Kompanije "Elektroprenos – Elektroprijenos BiH" a.d. Banja Luka (u daljem tekstu: Kompanija) imenuje Odbor za reviziju koji se sastoji od tri člana.

Članovi Odbora za reviziju Kompanije imenuju se na mandatni period od tri godine, s tim da ni jedan član Odbora za reviziju ne može obavljati dužnost duže od dva mandata.

Pored nadležnosti Odbora za reviziju Kompanije, utvrđenih važećim propisima u Bosni i Hercegovini, Statutom i drugim aktima Kompanije, Odbor za reviziju Kompanije:

- a) daje mišljenje na polugodišnji i godišnji obračun poslovanja Kompanije i o tome dostavlja izvještaj Skupštini i Upravnom odboru Kompanije,
- b) osigurava da Odjeljenje za internu reviziju Kompanije izvršava svoje obaveze u skladu sa Međunarodnim računovodstvenim standardima i Međunarodnim standardima revizije,
- c) svakog mjeseca Upravnom odboru Kompanije podnosi sažete mjesečne izvještaje o svom radu,
- d) nakon provedenog postupka izbora po raspisanom javnom konkursu Upravnom odboru Kompanije predlaže vanjskog nezavisnog revizora finansijskog poslovanja Kompanije,
- e) nakon provedenog postupka izbora po raspisanom javnom konkursu imenuje direktora Odjeljenja za internu reviziju Kompanije i
- f) razmatra godišnju studiju rizika i plan revizije.

Članovi Odbora za reviziju Kompanije ostvaruju pravo na mjesečnu naknadu i mogu ostvarivati pravo na izmirivanje odgovarajućih troškova, a što se pobliže propisuje posebnom odlukom Upravnog odbora Kompanije.

Opšti uslovi za imenovanje kandidata:

- a) da je državljanin Bosne i Hercegovine,
- b) da nije mlađi od 18 i da nije stariji od 65 godina,
- c) da se na njega ne odnosi odredba člana IX stav 1. Ustava Bosne i Hercegovine,
- d) da se protiv njega ne vodi krivični postupak i da nije osuđivan za krivično djelo koje predstavlja smetnju za imenovanje,
- e) da mu odlukom suda nije zabranjeno obavljanje poslova za koje se kandiduje,
- f) da nije otpušten iz službe ili sa radnog mjesta kao rezultat disciplinske mjere i
- g) da ispunjava sve ostale uslove, odnosno da nema ni drugih smetnji za njegovo imenovanje prema važećim propisima, Statutu ili drugim aktima Kompanije.

Posebni uslovi za imenovanje kandidata:

- a) da ima VII stepen stručne spreme, ekonomski smjer,
- b) da ima licencu ovlaštenog revizora, ili licencu ovlaštenog internog revizora u javnom sektoru i
- c) da ima najmanje pet godina odgovarajućeg radnog iskustva na ekonomskim poslovima nakon sticanja VII stepena stručne spreme.

Uz potpisanu prijavu na Konkurs kandidati su dužni dostaviti kraću biografiju i dokaze o ispunjavanju opštih i posebnih uslova:

- izvod iz matične knjige rođenih,
- diplomu o stečenom obrazovanju,
- licencu ovlaštenog revizora, ili licencu ovlaštenog internog revizora u javnom sektoru,
- potvrdu da ima najmanje pet godina odgovarajućeg radnog iskustva na ekonomskim poslovima nakon sticanja VII stepena stručne spreme.

Ostale dokaze o ispunjavanju opštih uslova dostaviće samo izabrani kandidati prije stupanja na funkciju člana Odbora za reviziju.

Svi dokumenti koji služe kao dokaz o ispunjavanju uslova, dostavljaju se u originalu ili kao ovjerena kopija.

Kandidati koji se prijavljuju na više pozicija, podnose prijavu na svaku poziciju pojedinačno i uz svaku prijavu dostavljaju traženu dokumentaciju.

Sa svim kandidatima koji ispunjavaju uslove Konkursa, obaviće se intervju, o čijem vremenu i mjestu održavanja će biti blagovremeno obaviješteni.

Javni Konkurs će se objaviti u "Službenom glasniku BiH", "Službenom glasniku Brčko Distrikta" u dnevnim listovima "Glas Srpske" Banja Luka, "Oslobođenje" Sarajevo i "Večernji list" Mostar i na web stranici "Elektroprenos - Elektroprijenos BiH" www.elprenos.ba.

Rok za dostavljanje prijava je 15 dana od dana objavljivanja.

Ako Konkurs ne bude istovremeno objavljen, rok će se računati od dana posljednjeg objavljivanja.

Nepotpune, neblagovremene i neuredne prijave neće se uzeti u razmatranje.

Prijavu slati preporučeno na adresu: "Elektroprenos – Elektroprijenos BiH" a.d. Banja Luka, ul. Marije Bursać br. 7a, 78 000 Banja Luka, sa naznakom:

"PRIJAVA NA KONKURS ZA ČLANOVE ODBORA ZA REVIZIJU "ELEKTROPRENOS–ELEKTROPRIJENOS BIH" A.D. BANJA LUKA – NE OTVARATI".